



መልክዐ ማርያም

ማርያምሰ ኃርየት መክፈልተ
ሠናዩ ዘኢየሳይድዋ ይእቲ ፀምር
ፀዓዳ ዘእምነገደ ይሁዳ ሠረገላተ
እሚናዳብ ንብረታ። በገዳር ጽዮን
“መሴኒ ይቤላ” በል።

ሰላም ሰላም ለዝክረ ስምኪ
ሐዋዝ፡ እምነ ክልበኔ ወቀስጥ
ወእምነ ሰንበልት ምዑዝ፡ ማርያም
ድንግል ለባሲተ ዐቢይ ትእዛዝ፡
ይሠቅየኒ ለለጽባሐ ወይነ ፍቅርኪ
እዚዝ፡ ከመ ይሠቅዮ ውጊዝ
ለሠናይ አርዝ። ሰላም ለሥዕርተ
ርእሰኪ ዘተንእደ ፀፍሮሁ፡ ለአቡኪ
በከናፍሪሁ፡ ማርያም ድንግል
ለእግዚአብሔር ጽርሐ፡ ለገብርኪ

እግዝእትየ ኢትገድግኒ እላሁ፡ ከመ
ኢይበሉኒ ፀር አይቴኑመ ምክሉ።

ሰላም ለርእሰኪ

ርሉስ፡ አኮ አኮ በቅብዐ ቅዳሴ
ማርያም ድንግል በቅብዐ ደነሰ፡

ወነፍሱ፡ ያንጽሐኒ እምነ ርህሰ
በፍሕመ ቍርባኑ ቅዱስ፡ አዝዚዮ
ለሱራፊ ዘሰማይ ቀሲሰ።

ሰላም ለገጽኪ ዘጥቀ ይልሂ፡
እምሥነ ከዋክብት ወወርጎ

ወእምሥነ ፀሐይ መብርሂ፡
ማርያም ድንግል ፍናዋትየ ሠርኒ፡

በመዓልት ወበሌሊት ኢይርከበኒ
ጸናሒ፡ መሥገርተ አበሳ ዘይጠፍር
ወግበ ዘይድሂ። **ሰላም**

ለቀራንብትኪ ደመናተ ብካይ እለ
ኮና፡ አመ አሕመመ ወልደኪ
ቅንአተ ቀያፋ ወሐና፡ **ማርያም**

ድንግል ለባሲተ ንጽሕ ወቅድሰና፡
አሰምዕኒ ነገረ ጽድቅ ዘያሰ
ተፌሥሕ ሕሊና፡ ከመ
አሰተፍሥሐኪ ጥቀ ዘመልአክ
ዜና።

ሰላም ለአዕይንትኪ

ዘተመሰላ
አብያዘ፡ እለ ይፌጽማ ትእዛዘ፡
ማርያም ድንግል እንተ ኢተአምሪ
ጋዕዘ፡ ናዝዝኒ በንባብኪ እመ ልብዮ
ተከዘ፡ በሐብለ ሰቆቃው ጽኑዕ
ኢይኩን እኑዘ።

ሰላም ለአዕዛንትኪ እለ ሰምዓ
ቃሎ፡ እግዚአብሔር እግዚእ ሶበ
ለገብርኤል ተመሰሎ። **ማርያም**

ድንግል ጽሕቅት ለተሣህሎ፡ ሶበ
ለልብዮ እሳተ ኅዘን አሕለሎ፡
ያዕምአኒ እላ ነገርዮ ዮሎ።

ሰላም ለመላትሕኪ በእሳተ

አንብዕ እለ ውዕያ፡ ጊዜ ሰቀሉ
 በኩረኪ ውሉደ ራጌል ወልያ፡
ማርያም ድንግል ለነፍሱ ደብረ
 ምስካያ፡ አድጎነኒ እምአፈ ደም
 ዘአናብስተ ሐቅል አርአያ፡ ከመ
 ማጎፈር ጠቢብ ወምእመን ኬንያ።
ሰላም ለአዕናፍኪ መሳክወ ሠናይ
 መዓዛ፡ ይጌይሰ ፈድፋደ እምዌና
 ስጊን ዘጠረጴዛ፡ **ማርያም ድንግል**
 ለሕይወትዮ ምርጉዛ፡ ሰዋስው
 ዘምድረ ሎዛ እንተ ርእየኪ ወሬዛ፡
 አመ ዕለተ ፍዳ ኩንኒ ቃውመ
 ወቤዛ።

ሰላም ለከናፍርኪ ከመ ፍሕሶ
 ቀይሕ፡ ሥርጉተ ቅዳሴ ወንጽሕ፡
ማርያም ድንግል ጥጎተ ጽባሕ፡
 ባልሕኒ እምነ ወይሌ ወአንግፍኒ
 እምላህ፡ እስመ ለልብዮ ጎዘኑ

ብዙጎ፡ **ሰላም ለአፋኪ** ዘሰዐመ
 ርሰነ፡ እንዘ እበ አዕፋግ ውእቱ
 በጊዜ ኮነ ሕፃነ፡ **ማርያም ድንግል**
 ዘትጌንዊ ሰጊነ፡ ጎፍረተ እበሳ ሶበ
 ገጽዮ ተከድነ፡ ለናዝዞትዮ እመ
 ብጽሒ ፍጡነ።

ሰላም ለአሰናንኪ ሐሊበ ዕጉልት
 ዘተዛወጋ፡ ወመራዕዮ ቅፋዓተ እለ
 እምሕፃብ ዐርጋ፡ **ማርያም ድንግል**
 ለደብተራ ስምዕ ታቦተ ሕጋ፡
 አፍቅርኒ እንበለ ንትጋ ለብእሴ
 ደም ወሥጋ፡ ዘየዐቢ እምዝ
 ኢየጎሥሥ ጸጋ።

ሰላም ለልሳንኪ ሙጋዘ ሐሊብ
 ወመዓር፡ ዘተነብዮ ወፍቅር፡
ማርያም ድንግል ወለተ ድጉጋን
 አድባር፡ ጎብእኒ እምዐይነ ፀር
 ወአንጽሕኒ እምነውር፡ እስመ

ተስፋዩ አንቲ በሰማይ ወምድር።
ሰላም ለቃልኪ እምአሰካል ወይን
 ጥዑም፣ ወእምድምፀ ናብሊሰ አዳም
 ዘያረሰዎ ለሕማም፣ **ማርያም**
ድንግል ዘብርሃን ሕይወት
 ተቅዋም፣ እመ ተህወኤ በላዕሊዮ
 ማዕበል ዝንቲ ኅለም፣ ከመ ያርምም
 ገሥጊዮ መሐሪት እም።
ሰላም ለእስትንፋሲኪ ዘመግሳዎ
 ሕይወት፣ ከመ መፀዛ ፅፅ ኅኑይ
 ዘውሰተ ገንቲ፣ **ማርያም ድንግል**
 ቤቱ ቅድሳት፣ ጸንሕኒ መሰተ
 ወግይ ወሠውርኒ እሞት፣
 በእክዳክ ርግብዮ ኅሪት።
ሰላም ለጉርዒኪ ወግይ
 እምወይን፣ በከመ ይቤ ሰሎሞን፣
ማርያም ድንግል ለባሲተ ዐቢይ
 ብርሃን፣ ከድንኒ ገርቤን ጸጋ

ኢያዕቆብኒ ዕርቃን፣ ዘኢአነምዎ
 መሊባን በኪን።
ሰላም ለክላድኪ ቃማ ንጸሕ
 ዘዐነቀደ ከመ አዋልድ አኮ ብሩረ
 ወወርቀ፣ **ማርያም ድንግል**
 ዘተመሰልኪ ማዕነቀ፣ ሕይወትዮ
 በንዝህላል እመ ተሠልጦ ወኅልቀ፣
 ወሰክኒ ከራማተ እሰከ እገብር
 ጸድቀ።
ሰላም ለመታክፍትኪ እለ
 ገንግት እማንቲ፣ ለጊጋይ እምነ
 አርዑቲ፣ **ማርያም ድንግል ለሆኒዕ**
 ወርጐ ትርሲቲ፣ በልኒ እገዝእትዮ
 ጸሕቀ ሕሊናዮ ዝንቲ፣ ፍኖተ የማን
 ይምራሕከ ወተእኩት ቦቲ።
ሰላም ለዘባንኪ እምዘባን ኪሩብ
 ዘዐብዮ፣ ሐዘሎ እሳተ ወእምርሰን
 ነዱ ኢውዕዮ፣ **ማርያም ድንግል**

ፈጻሚ ተኩሱ ጸሕቅዮ፡ ሀብኒ
እግዝእትዮ ዘተመነይኩ ሠናዮ፡
እንበለ አፅርዮ ፍጡነ በጸሐኪ ዝዮ።

ሰላም ለእንግድዳኪ ለእሳተ
መለኮት ምርፋቁ፡ ዘይቈድስ ነፍሱ
ወያጥዲ ሞቁ፡ **ማርያም ድንግል**
ለነዳይ ንዋዮ ወርቁ፡ እመ ነገደ
ርጉቀ ወሐረ ዕራቁ፡ ኢያጎዝኖ
ሲሳይ እሰመ አንቲ ሰንቁ።

ሰላም ለጎፅንኪ ለጥበበ ሰማይ
ምዕራፋ፡ ዘኢይትረከብ ሱታፋ፡
ማርያም ድንግል ጸጋዊተ ሰላም
ወተሰፋ፡ ኩንኒ እግዝእትዮ ቅድመ
ፀርዮ ሐገፋ፡ ከመ ያፍ አፍገርቲሃ
ትህጮር በክንፋ።

ሰላም ለአእዳውኪ እሳተ መለኮት
እለ ገሠሣ፡ አውቃፊ ብሩር ወወርቅ
ለሥርጋዌሆን ኢጎሠሣ፡ **ማርያም**

ድንግል ለመካን ሀንባባ ከርሣ፡
አንጽሕኒ እግዝእትዮ ለፍትወተ
ዓለም እምርኩሳ፡ በዲበ ሥጋዮ
ኢትንበር ነጊሣ።

ሰላም ለመዛርዕኪ ዘተረሰዮ
ኃይለ፡ ከመ ይፀራ ነበልባለ፡
ማርያም ድንግል እንተ ጎጣእኪ
መምሰለ፡ ኃጢአትዮ ለገብርኪ እመ
ፈድፈደ ተለዐለ፡ ከመ ጥቅም
ዘባቢል ረሰዪ ንጉለ።

ሰላም አብል ለኩርናዕኪ እዌድሶ፡
ለእሳተ መለኮት በላዲ አምጣነ ኮነ
ትርአሶ፡ **ማርያም ድንግል** ምዕዝት
ዘእምአንክሶ፡ ሀልዊ ደርገ ምስሌዮ
እንዘ አልብኪ ተግጎሦ፡ ለሕሊና
ልብዮ ወትረ እንግርኪ ማጎሠሦ።

ሰላም ለእመታትኪ እለ ጸንዓ
ይፍትላ፡ ሜላተ ወወርቀ በናዝሬት

ወበገሊላ፡ ማርያም ድንግል ለዮዲት ጥበበ ቃላ፡ ብጽሒ በሠረገላ ንትመሐል መሐላ፡ ከመ ታኅድርኒ በብሔር ዘተድላ።

በላም ለእራኃትኪ እለ ሰፋሐት ለመጥዎ፤ ሰቴ መድኃኒት ጽሩዮ ወእክለ አሕይዎ፡ ማርያም ድንግል እስእለኪ በተሰፍዎ፡ ከመ እክሀል በበ ያታሁ ሰብሐታተኪ ዜንዎ፡ ለገብርኪ ዓብድ ምልእኒ ለብዎ።

በላም ለአፃብዕኪ እም እራኃ እዴኪ እለ ሠረዓ፡ እም ትልቆ ሠላሰ ወሰብዕ እንዘ ኢየሐዓ፡ ማርያም ድንግል ደብረ ኤልያስ ነቢዮ ፋጳ፡ ዕቀብኒ በረድኤትኪ እምነ አርዌ ዘኖዓ፡ ህየንተ ሠናይ ለሰብእ ዘይሁብ ዐመዓ።

በላም ለአፅፋረ እዴኪ መልዕልተ

አፃብዕ እለ ሠረቃ፡ በበሕቅ ዘልፈ እንዘ ይልገቃ፡ ማርያም ድንግል ማገቶትየ በውሰተ ጣቃ፡ ኢትሰድኒ ለገብርኪ ለዓመትየ በንፍቃ፡ ዝንቱ ውለቱ ለልብየ ጸሕቃ።

በላም ለአጥባትኪ እለ አውኃዘ ፍጹመ፡ ድንግልናዌ ሐሊበ ውሰተ አፈ አምላክ ቅድመ፡ ማርያም ድንግል እንተ አምጸእኪ ሰላመ፡ ገፅንኒ በአጥባትኪ ለእመ ኮንኩ ደክታመ፡ ዘእንበሌኪ ኢየጎሥሥ እመ።

በላም ለገቦኪ ዘሐመልማለ ወርቅ ከዳኑ፡ በከመ ዳዊት ይዜኑ፡ ማርያም ድንግል ለያዕቆብ ሞገሰ ሥኑ፡ በልኒ እግዝእትየ አፈቅረከ አኮኑ፡ እንዘ ረዳኢትከ እነ ዘይክለከ መኑ።

በላም ለከርሥኪ ዘአፈድፈድ ተበዕዮ፡ እም ታቦተ መሴ ነቢይ

ለጽሌ ትእዛዝ ዘየጎበአ፡ ማርያም
 ድንግል ጊዜ ጸዋዕኩኪ በእስ
 ተብቀዮ፡ ለፀርዮ ብእሴ ዐመፃ
 ኃይለ ዚአኪ ይጽብዮ፡ እስከነ
 ያስቆቁ ጥቀ ድጎሪተ ገቢአ።

ሰላም ለልብኪ እምነ በቀል
 ርጉቅ፡ እምጣነ ዐረብ ወሠርቅ፡
 ማርያም ድንግል ገነተ ጎሩያን
 ደቂቅ፡ ክድንኒ ልብሰ ከብካብ
 ለቅኑይኪ ዕሩቅ፡ ከመ ጳደሬ ጽጌሁ
 ዘወርቅ።

ሰላም እብል ለኩልያትኪ ክልኤ፡
 ዘቅብዐ ክህነት ቀርን ወዘወይነ
 ትፍሥሕት ግምፆ፡ ማርያም
 ድንግል በልኒ ቅድመ ጉባኤ፡
 ሕፃንዮ በእንቲአዮ ይከውነከ ረዳኤ፡
 እመራደ ፀርከ ሕቀ ኢትፍራህ
 ትንሣኤ።

ሰላም ለሕሊናኪ ሐልዮ ሠናያት
 ልማዱ፡ ወገቢረ ምሕረት መፍ
 ቅዱ፡ ማርያም ድንግል ለዳዊት
 ወለተ ወልዱ፡ ንዝሕኒ በአዛብኪ
 ዘኢይትረከብ ዘመዱ፡ ወበማዮ
 ሕይወት ሕፅብኒ እምበረድ
 እፃዕዱ።

ሰላም ለአማዑትኪ ነበልባለ ጎዘን
 ዘአውዑ፡ ለመ ወዐለ ወልድኪ
 ሰቂለ በቀራንዮ፡ ማርያም ድንግል
 ፀምረ ጠል ዘተነብዮ፡ ጌጋይዮ
 ለአስተሥርዮ እንተ አልብኪ ተፈ
 ልዮ፡ በሥርዐተ ካህን ላዕሌዮ አንኒ
 ጸልዮ።

ሰላም ለንዋዮ ውሥጥኪ እምሳለ
 ንዋያ ለደብተራ፡ ሰብሐተ ልዑል
 ዘይሣውራ፡ ማርያም ድንግል ትም
 ክሕተ ደቂቃ ለሣራ፡ ባልሕኒ

ወለተ ቅስራ ለዓለመ ጽልመት
እምፃዕራ፡ እስመ መቅዓን ወጠዋይ
ምሕዋራ።

ሰላም ለንዋየ ውሥጥኪ አምሳለ
ንዋያ ለመቅደስ፡ ንዋይኪሰ **ኢያሱስ**
ክርስቶስ፡ ማርያም ድንግል ዘገዳመ
ሲና ጳጦስ፡ ከመ ያነቅሐ ለልብ
ዘፋኒ ናብሊሰ፡ ፍቅርኪ ያንቅሐኒ
በሥጋ ወነፍሰ።

ሰላም ለገንብርትኪ ከመ ማዕከክ
ርእየቱ፡ ዘኢየዓርቅ እምቱስሕቱ፡
ማርያም ድንግል ለካህን ዕዕ
ጎርየቱ፡ ከመ ኢይኩን ፅሩዐ ንባብ
አፋየ ዝንቱ፡ በጽዋዐ ኪሩብ ደዪዮ
ወሠጢዮ ሎቱ።

ሰላም ለማጎፀንኪ ለእግዚአብሔር
ማጎፊዱ፡ ዘሐነፀኪ የማነ እዱ፡
ማርያም ድንግል ምዕዝት

ዘእምናርዱ፡ ጎቤኪ ያንቀዐዱ ለረ
ኪበ ዙሉ መፍቅዱ፡ ምስለ ካልኡ
ዐይንዮ አሐዱ።

ሰላም ለማጎፀንኪ ለእግዚአብሔር
ዘውጉ፡ በዑድ ሥርዐቱ ወፍሉጥ
ሕጉ፡ **ማርያም ድንግል** ለአስካለ
ሕይወት ሐረጉ፡ በልኒ እግዝእትየ
ኃጢአተክ ጎደጉ፡ ወመኃልየክ
ሰማየ አዕረጉ።

ሰላም እብል ለድንግልናኪ ዕዕው፡
እንተ እምኔሁ ሠረቀ ፀሐየ መለኮት
ጎትው፡ **ማርያም ድንግል** ዘሥነ
ንጽሕኪ ፍትው፡ ለጎዲር በበፍናው
በአህጉር ወበድው፡ ዕቀብኒ
ወለቶሙ ለኔራን አበው።

ሰላም ለሐቋኪ በትረ ሌዋዊ
ሣውዕ፡ ዘኢሐፀነኪ ጠል ወዘኢ
ሠቀየኪ ነቅዕ፡ **ማርያም ድንግል**

እግዚአብሔር መላእክት ወሰብእ: ሰድኒ
ብሔረ ፍግዕ በትንባሌኪ ባቀዕ:
ምስለ ኅሩያንኪ ደርገ አህሉ
በስንዕ።

ሰላም ለአቀያጽኪ እለ ይነብራ
ደርገተ: እምነ አብራክኪ ላዕለ
ወእምነ ሐቆኪ ታሕተ: **ማርያም**
ድንግል እንተ ኢተአምሪ ርስሐተ:
ጽባሐ ወምሴተ ኸሎ ዕለተ:
ዘይሰማዕ ምሕረተኪ ግበሪ ሊተ።

ሰላም ለአብራክኪ በስብሐተ
ልዑል ዘአስተብረካ: እምአመ
ወሀቡኪ ብፅዕ ውስተ አሪታዊት
ታዕካ: **ማርያም ድንግል** መንበር
ዘእብነ ፔካ: ጊዜ ሰደቶሙ ለኃ
ጥአን እምዐፀደ ዐባይ ፋሲካ:
ዪውውኒ መንገሌኪ እኩንኪ
ምሀርካ።

ሰላም ለአእጋርኪ እለ ዓመዋ
በረዊዕ: እምቤተ ልሔም ዘይሁዳ
እስከ ምድረ ግብጽ: **ማርያም**
ድንግል ሥርጉተ ነበልባል ዕፅ:
ለጎዲር በቤተ ናሕሰ እንተ
መልዕልተ ኩዙሕ ሕትጽ: አጥብ
ብኒ በተግሣፅ ወሠቅኒ እምዳገዕ።

ሰላም እብል ለዘዚአኪ ሰኩና:
ዘኢድገፀ በውስተ ፍና: **ማርያም**
ድንግል ትእምርተ ኪዳን ቀስተ
ደመና: አምዕዝኒ በዕፍረትኪ
ወጸግውኒ ጥዲና: በከመ ትገብር
እም ለንኡስ ሕፃና።

ሰላም ለመከየድኪ እለ ረከቦን
መከራ: እምፍርሃተ ቀተልት ሐራ:
እንበለ አሣእን አመ ሐራ: **ማርያም**
ጽዮን ታቦተ ቃለ ጽድቅ መንፈቀ
ዕሥራ: ዕጎላት እምዕጎሊሆን ከመ

ኪያኪ አፍቀራ፡ አፍቀርኩኪ
አፍቅርኒ እምይእዜ ለግሙራ።

ሰላም እብል ዘእእጋርኪ አፃብዐ፡

ሐሳብ ጉልቆን ዘኮነ ምስለ ሰድሶ
ርብዐ፡ **ማርያም ድንግል** ዘተሰ
መይኪ ምሥዋዐ፡ በረዊፅ ወበጉጉፃ
አፍጥኒ መጸአ፡ ሶበ አፉየ ሰመኪ
ጸውዐ።

ሰላም ለአፅፋረ እግርኪ ዘኢፊቀዳ

ለሥርጋዌ፡ ጥምዐታተ ሕምር
ምድራዌ፡ **ማርያም ድንግል** ሐው
ልተ ሰምፅ ዘወልደ ነዌ፡ ሠቅኒ
እምትንታኔ ወባልሕኒ እምአርዌ፡
ላዕለ እምየ ዘእምጽአ ደዌ።

ሰላም ለቆምኪ በቀልተ

ዘተመሰለ፡ ገበ ሙጋዘ ማይ
ዘበቋል፡ **ማርያም ድንግል** እስእለኪ
ሰኢለ፡ ኢይረር ታሕቲተ ምጥቅኒ

ላዕለ፡ ኢረከብኩ በርገራኔ ከማኪ
ዘብዕለ።

ሰላም ለመልክዕኪ ዘተሠርገወ

አሜረ፡ ዘያበርህ ወትረ፡ ፍቅርትየ
አንቲ እንተ ታበድሪ ፍቅረ፡
አርእይኒ ገጸ ዚእኪ **ማርያም** ምዕረ፡
ዘኢይሰምየ ካልእ እንግርኪ ነገረ።

ሰላም ለፀአተ ነፍሰኪ እንበለ

ፃዕር ወፃማ፡ ለነቢር ዘልፈ በየማነ
ወልድኪ ፊማ፡ **ማርያም ድንግል**
ክልልተ ሞገሰ ወግርማ፡ አጽንዒ
በረድኤትኪ ለሕይወትየ ድካማ፡
እምሕይወተ ኔራን አበው ኢታሕ
ጽጺ ዐቅማ።

ሰላም እብል በድነ ሥጋኪ ጽፋየ፡

ዘተመሰለ ባሕርየ፡ **ማርያም**
ድንግል ዐፀደ ወይንየ፡ ንስቲተ
ለዕበይኪ እንተ አቅረብኩ ግናየ፡

ኢይት-ጎደግ ዲበ ምድር ምሥጢ ሰማየ።

ሰላም ለግንዘተ ሥጋኪ በእደ ሐዋርያት አርጋብ፡ በአፈው ዕፍረት ቅድው ዘሐሳብ ሄጡ ዕፁብ፡ **ማርያም ድንግል** ወለተ ጎሩያን ሕዝብ፡ ረሰይኩኪ እግዝእትየ ህየንተ እም ወአብ፡ ይጎፅጎኒ ከመ ጥብ ፍቅርኪ ሐሊብ።

ሰላም ለመቃብርኪ ለጌቴሴማኒ በመርገባ፡ እንተ ይእቲ ለኢየሩ ሳሌም ቅሩባ፡ **ማርያም ድንግል** ለሀገረ መንግሥት ርግባ፡ ትትሚጦ ወርቀ እም አፌር ወጸበለ አፈው እም ሳባ፡ ጌቴሴማኒ ለሥጋኪ ምስካባ።

ሰላም ለመቃብርኪ ለኢየሩ ሳሌም በአድያማ፡ እንተ ይእቲ

ጌቴሴማኒ ሰማ፡ **ማርያም** ሰንበት ዕረፍተ ጽዑራን እምፃማ፡ እመ ጎደረ ላዕሌኪ ፀሐየ ቅዱሳን ዘራማ፡ ኃይለ ልዑል ጸለለኪ በመንክር ግርማ።

ሰላም ለፍልሰተ ሥጋኪ መካነ ፍሥሐ ምጡቀ፡ በአእባነ ባሕርይ ዘተነድቀ፡ **ማርያም** ደብተራ እንተ ኢትትከደኒ ሠቀ፡ ጽሑፊ ውዳሴኪ እምኢጎልቀ ሶበ ኮነ ጥቀ፡ ዝኖመ ክረምት ቀለመ ወሰማይ ረቀ።

ሰላም ለፍልሰተ ሥጋኪ ወለተ ንጉሥ ይሁዳ፡ ወወለተ ሌዊ እጉሁ ዘሀብተ ክህነቱ አገዳ፡ **ማርያም ድንግል** ምዕዘት ዘእምጽጌ ረዳ፡ በጽሑፍ ኢይፌጽሞ ለሰብሐትኪ እንግዳ፡ እመ ኮነ በቅድሚያ ሰፍሐ ምድር ሠሌዳ።

ሰላም ለፍልሰተ ሥጋኪ ደባትረ ብርሃን ገቢ ተተክሎ፡ ለገነተ ጽባሕ በግእክሉ፡ ውድሰት አንቲ ወሰብሐት በአፈ ክሉ፡ እምነ ጸድቃን ዘታሕቱ ወእምትገሃን ዘላዕሉ፡ ግርያም ለኪ ሰብሐተ አደሉ።

በዝንቱ ቃለ ግጥሌት ወበዝንቱ ደባቤ፡ ለዘይሰእለኪ ብእሲ ጊዜ ረከቦ ምንዳቤ፡ ብጽሐ ፍጡነ ትሠጠዊዮ ዘይቤ፡ ግርያም ዕንቁሃዮ ክርስቲሎቤ፡ ወምዕዝተ ምግባር እምክርቤ፡ ዘጸገዮ ግጥፀንኪ አፈወ ነባቤ።

ሰብሐት ለኪ ግርያም በኑልቄ ክሉ ሥዕርትዮ፡ ሰብሐት ለኪ ግርያም በኑልቄ ክሉ አዕዕምትዮ፡ ሰብሐት ለኪ ግርያም በኑልቄ

ክሉ ዘተርእዮ፡ ሰብሐት ለኪ ንግሥትዮ በኑልቄ ክሉ ዘኢያ በተርእዮ፡ ሰብሐተ ድንግልናኪ ዘልፈ ይነገር አቶዮ።

እግዚአብሔር ገብኪ ፈነወ ቃሎ፡ ገብርኤልሃ አስተግሲሎ፡ ግርያም እምላክ ዘወለድኪ በተደንግሎ፡ ሰላም ሰላም ወሰላም እብሎ፡ ለመልክዕኪ ፈጸምዮ ክሎ።

ለዘኢያፈቅረኪ እግዝእትዮ ግርያም ውኩፈ ኢይኩን ጸሎቱ፡ ይትገዘም ኑጎ ዓመቱ ወይጥፋእ በከንቱ፡ በአፈ መላእክት ወሰብእ ይትረገም ለለሰዓቱ፡ ዘአስተግሲሎ በተውኔት ለግጥሌተ ንግሥኪ ዝንቱ፡ ጌጋዮ ወኃጢአቱ ኢይት ኃደግ ሎቱ።

ኦ እግዝእትዮ ግርያም ዕቀብኒ

ወአድጎንኒ እመከራ ሥጋ ወነፍስ
ሊተ ለገብርኪ፡ ሊተ ለአመትኪ።

መልክዐ ኢየሱስ፡

ኢየሱስ ኢየሱስ ኢየሱስ ክርስቶስ
ዘሠረፅከ እምቤተ ሌዊ፡ ኮሬባዊ
መለኮታዊ፡ ቃል ሰማያዊ እም
ድንግል ተወልደ።

ሰላም ለዝክረ ሰምክ ስመ መሐላ
ዘኢይሔሱ፡ ዘአንበረ ቅድመ
እግዚአብሔር በአትሮንሱ፡ ኢየሱስ
ክርስቶስ ለጻዊት ባሕርያ ከርሡ፡
አክሊለ ሰምክ እንዘ ይትቆጸል
በርእሱ፡ አህጉረ ፀር ወረሰ ኢየሱስ።

ሰላም ለሥዕርተ ርእሰክ ዘሥ
ሙር አብቋሉ፡ ወጽፋቅ ጥቀ



ለእርዘ ሊባኖስ አምሳለ ቋጽሉ፡
ኢየሱስ ክርስቶስ ሊቀ ካህናት
ዘላዕለ ዙሉ፡ ይጸሐፍ በልሳንዮ
ለውዳሴክ ፊደሉ፡ ኢይትጋደግ ዲበ
ምድር ንባቡ ወቃሉ።

ሰላም ለርእሰክ በመንበረ ክሳድ
ዘተሣረረ፡ እንዘ ማእሰ ሥጋ
ይለብስ ወእንዘ ይትገለበብ ጸጉረ፡
ኢየሱስ ክርስቶስ ከመ ቃልክ ነገረ፡
ይወርሱ በእንቲአክ ነዳያነ ዓለም
ክብረ፡ ወቀደምትኒ ይከውኑ
ድጎረ።

ሰላም ለገጽክ እምሥነ ኦርያሬስ
ስቡሕ፡ ወፍሡሕ ከመ ወርኅ ዘአሜ
ገሃሀ፡ ኢየሱስ ክርስቶስ ታቦተ
ሕይወቱ ለኖኅ ፡ ኅብአኒ እግዚአ
በውሣጤክ ስፉሕ፡ ማየ ዙነኔ አመ
ዘንመ አይኅ።

ሰላም ለቀራንብቲክ ከመ ክልኤ
ክንሬ ኪፋብ፡ እለ ይጸልላ ወትረ
አዕይንቲክ ዘርግብ፡ ኢየሱስ
ክርስቶስ እደ መዝራዕቱ ለአብ፡
አስተጋብእ ውስተ ልብዮ አቅ
ግሐተ ዙሉ ጥበብ፡ ከመ ጽጌያተ
ዘገዳም ያስተጋብእ ንሀብ።

ሰላም ለአዕይንቲክ ከመ ምሉእ
ምዕቃለ ማይ፡ እለ ይትረአያ ወትረ
በመንበረ መጽሔት ርሡይ፡
ኢየሱስ ክርስቶስ መስተሥርዮ ዙሉ
ጌጋይ፡ ንዝጎኒ እግዚአ በአዛብክ
ሠናይ፡ ወአፃዕድወኒ እምበረድ
ጽፋይ።

ሰላም ለአዕዛኒክ ጽልዋተ እለ
ኮና፡ አምኅ ነገር ያብአ ለመኩንነ
ውሥጥ ሕሊና፡ ኢየሱስ ክርስቶስ
ዘያዕቆብ ዓምደ ደመና፡ ምርሐኒ

እግዚአብሔር ገብ ይትፈቀድ ፍፍ፡
በዓመተ ርስዐን ወድካም ኢይርአይ
ሙስፍ።

ሰላም ለመላትሒክ እለ ይፈርዶ
አፈዋተ፡ ከመ ርኄ አፈው ዘይዪት
ርጉቀ ፍፍተ፡ **ኢየሱስ ክርስቶስ**
እስመ አበ ነፍሱየ አንተ፡ በሎሙ
ለመላእክት ተፈሥሐ ሊተ፡ ረከብ
ክም ለወልድየ በከንቲ ዘሞተ።

ሰላም ለአዕናፊክ መሳክወ ዪና
ወአናቅጽ፡ እለ ወዱዳት እማንቲ
ማእከለ ክልኤ አብያጽ፡ መልአክ
ሕይወትየ **ክርስቶስ** አስተርእየኒ
በገጽ፡ ናሁ ተመሠጥኩ በጣዕመ
መስቀልክ ዕዕ፡ ወተነደፍኩ በፍቅ
ርክ ሐጽ።

ሰላም ለከናፍሪክ ሙኃዛተ ከርቤ
ሐዋዝ፡ እምጽጌ ገዳማት ነሎን

ዘይናሆን ምዑዝ፡ **ኢየሱስ ክርስቶስ**
በግዕ ይስሐቅ እኑዝ፡ ይተከበው
ውስተ አፋየ ከመ አዜባዊ ውኒዝ፡
ነቅዕ ገብክ በኩናት ርጉዝ።

ሰላም ለአፋክ ለዮሐንስ ዘሰዐሞ፡
ንጽሐ ሕሊናሁ ወልቡ ለዓይነ
ፍትወትክ ሰበ አደሞ፡ **ኢየሱስ**
ክርስቶስ መፍቀሬ የዋሃት እምተ
ቀይሞ፡ ጸግወኒ ማዕያ አፍ እንተ
ይእቲ አርምሞ፡ ለትዕግሥትክ ከመ
አእምር ዐቅሞ።

ሰላም ለአዕናኒክ አያተ አዕናቶ
እለ ተሰክዓ፡ በፈትለ ሥጋ ወደም
እስክ ሥረዊሆን ጸንዐ፡ **ኢየሱስ**
ክርስቶስ ዘተሰመይክ ምሥዋዐ፡
ከርሥየ ርገበ እግዚአብሔር ወውሃጤ
ጉርዔየ ጸምአ፡ እንበለ ነኑኔ ሀሲኒ
ሥጋክ መብልዐ። **ሰላም ለልሳንክ**

በደብረ ታዖር ዘአልጥሱህ ለብር
 ገን ዐቢይ እስከ ጽላቴቴ ተሐውሱ
 ነበልባለ እሳት **ክርስቶስ** ዘተዋ
 ሐደክ ጳጦስ፡ በዋዕይ ፍቅርክ ከመ
 ሥርወ አእዋም የብሰ፡ ውሳጢ
 ሕሊናየ ነደ ወልብየ ጤሰ።

ሰላም ለቃልኩ እማእወሪሁ

ዘፈትሐ፡ ለፍቁር አልአዛር ቃይለ
 ሥልጣነ ዋት ድገረ ዋቅሐ፡
ኢየሱስ ክርስቶስ ንጉሠ ሰላም
 ወተራገርኖ፡ አባ ወአቡየ እሴብ
 ሐክ ሰብሐ፡ ለአንቀጽክ ጸግወኒ
 መርኖ።

ሰላም ለእስትንፋስክ እስትንፋስ

ላህብ ምወቅ፡ ጊዜ ፍና ሠርክ
 ዘነፍሐ ገነተ ገናያን ደቂቅ፡
ኢየሱስ ክርስቶስ ጠፈረ ሃይማኖት
 ወጽደቅ፡ ይትወገውኑ ከዋክብት

በአየርክ ምጡቅ፡ ወያንበሰብሱ
 ደመናት በዐረብ ወሠርቅ።

ሰላም ለጉርዒክ በጽምአ ፍቅረ

ሰብእ ሐማሚ፡ እስከ ስቴ ሐሞት
 ጥዕመ ወዘወይነ ትፍሥሕት

ከራሚ፡ **ኢየሱስ ክርስቶስ** መምህረ

ጳውሎስ ዘብንያሚ፡ አመ ነሥኦ

ማገተመ ጸጋ እንዘ ስመክ ይሰሚ፡

አልቦ አይሁድ ወአልቦ አረሚ።

ሰላም ለካሣድክ ግብረ መንፈስ

ቅዱስ ኬንያ፡ አዳም ሥና

ወመንክር ላህያ፡ ኢየሱስ ክርስቶስ

ነቢይ ወሐዋርያ፡ አመ ወፅኦ

ስሙዓቲክ በአድያመ ነቴ ሶርያ፡

ብዲዳት አሶይንት ኪያክ ዘርእያ።

ሰላም ለመትከፍትክ ከመ ልብሰ

ክህነት ሎግዮ፡ ጊዜ ፀአተ ፍትሕ

ዘያረ አርዑተ መስቀል በቀራንዮ፡

ኢየሱስ ክርስቶስ በግዕ መድኅኒት ወአስተሥርዮ፡ አስተዳሎኸ ለርእሰከ ውስተ ዐፀደ ግፍዕ ተርእዮ፡ ወኰሎ በዘይደሉ አቅደምክ ሐልዮ።

ሰላም ለዘባንክ እመለኮቱ ዘኢ ተዐርቀ፡ እንዘ በአፍአሁ ይትዌከፍ ጥብጣቤ ሕማማት መጽዕቀ፡ ጉንደ ሐረገ ወይን **ክርስቶስ** እንተ ትፀውር አዕፁቀ፡ በቤተ ከብካብ ጊዜ ትገብር ምርፋቀ፡ ለአስካልክ ረስየኒ ዝቀ።

ሰላም ለእንግድዳክ ቀላዩ ልቡና ወአእምሮ፡ በሐመረ ፍትወት ወጸሕቅ ልበ ጠቢባን ዘኢሰፈሮ፡ **ኢየሱስ ክርስቶስ** ኂሩት ወተ ፋቅሮ፡ ሶበ ይገሥሥ ሕሊናዩ ለመንዲልክ ዘፈሮ፡ ነቅዐ ኃጢአትዩ ለገብርክ እምድሩ ይሠሮ።

ሰላም ለገዕንክ ምርፋቀ በረከት ወሣህል፡ ዘአስመክ ቦቱ ወልደ ዘብይዎስ ድንግል፡ **ኢየሱስ ክርስቶስ** ሃይማኖትዩ ወንጌል፡ ከመ ዕፁ ሐምል ሰፍሕተ አዕፁቅ ወቈጽል፡ ብዙጎተ አዕዋፊ አጽል ሎተ ትክል።

ሰላም ለአእዳዊክ ጽቡረ እለ ገብራ፡ በምራቀ አፋክ ቅዱስ አዕይንተ ዕውር ይፍጥራ፡ ትምህርተ ገቡአት **ክርስቶስ** ዘትትነገር እምጽርሰፎራ፡ ነገሥታት በእን ቲአክ ይገድፉ ጌራ፡ ወዕጠቆሙ ይፈትሉ ሐራ።

ሰላም ለመዛርዒክ ከመ ቀስተ ብርት ጽኑዕ፡ እለ ያነትዓ ፀረ አመ ዕለተ መንሱት ወጸብዕ፡ **ኢየሱስ ክርስቶስ** ጠረጴዛዩ ምሥዋዕ፡

እስትየኒ ማየ ሕይወት እመስቀልክ
ጽዋዕ፡ ዘእንበሌሁ ኢይድንን
ሰብእ።

ሰላም ለኮርናዕክ ኮርናዕ ክቡድ
እንበሳ፡ ዘቀጥቀጠ ኮሎ ኦርእስተ
ሥቡሐን እንሰሳ፡ **ኢየሱስ ክርስቶስ**
ሞገስ ዳንኤል ነቢየ ሱሳ፡ ድገረ
ተፈጸመ ሱባዔ ሰንበታት ሰሳ፡
በምጽአትክ ተገትመ አበሳ።

ሰላም ለእመትክ መስፈርተ
መዛርዕ ወእድ፡ እስከ ጽንፈ
መስቀል በሐብል ዘሰሐብዎ
አይሁድ፡ **ኢየሱስ ክርስቶስ** እምነ
አእላፍ ውሉድ፡ ጎድፈኒ በጥበብክ
እምተሠጥሞ ንጋይ ክቡድ፡ ናሁ
በላዕሌየ ተንሥእ ሞገድ።

ሰላም ለእራገክ መክፈልተ
ሕማማት ሱቱፍ፡ ወቅንዎቲሁ

እኤምጎ በአፍ፡ **ኢየሱስ ክርስቶስ**
በላዕለ ቅዱሳን ዕፋፍ፡ ይፀነስ
ውስተ ክርሥየ ዘርእ ቃልክ
መጽሐፍ፡ ፀዳለ እምፀዳል ከመ
ትፀንሰ ዮፍ።

ሰላም ለአፃብዒክ አፃብዐ አዳም
ዘተቤነዎ፡ ወነቀላ ዐዕመ በእንተ
ሕይወታ ለሖዎ፡ **ኢየሱስ ክርስቶስ**
አመ ተለዐልክ እምድረ ዪዎ፡
ለገነተ ጽድቅ ዘእደ ሱራፊ ዐፀዎ፡
ቤዛ ኃጥአን ኮሎሙ ደምክ
አርጎዎ።

ሰላም ለአፅፋረ እደክ ዘጎበሪሆን
ፀዕዳ፡ በምግባር ወግእዝ እለ
ይትዋሐዳ፡ **ኢየሱስ ክርስቶስ**
ምስፍና አባሉ ለይሁዳ፡ ለመንግ
ሥትክ ሰፋኒት እንዘ ይትመሐለሉ
ፀውዳ፡ ሰብእ ሰገል አወፈዩ ጋዳ።

ሰላም ለገቦክ ዐዘቅተ ሥጋዌ
 ፍሉሕ: እንተ እምኔህ ተውሀበ
 ፈልፈለ ቅድሳት ወንጽሕ: **ኢየሱስ**
ክርስቶስ ዘኢሳይያስ መካሕ: አመ
 አስተርአይክ በልብሰ ሳሦር ቀይሕ:
 መልአክ ሞት ተሠጥመ በላህ::

ሰላም ለክርሥክ ዘኢይትፈተን
 መዝገቡ: ሚ ዕመቁ ወሚ ራኅቡ:
ኢየሱስ ክርስቶስ ለወንጌለ ንግሥክ
 በወርኅ ምግቡ: እለ ይነግዱ ዲበ
 ባሕር አስተአ በረከት ወሀቡ: ወእለ
 የኅድሩ ዲበ የብስ አምኅ አቅረቡ::

ሰላም ለልብክ ቅሩበ ኰልያት
 ምንታዌ: እንተ ያንሰሐስሕ ቦቱ
 መንፈሰ ሕሊናክ ኅበ ሀላዌ:
ኢየሱስ ክርስቶስ ፍጹመ ትስብእት
 ወሥጋዌ: በቃለ እንቲአክ አመ
 ትትፋታሕ ነነዌ: ውስተ መቅደስክ

ረብረኒ ሠርዌ::

ሰላም ለሕሊናክ ዘይሔሊ
 ሠናያተ: ለውሱደ ሰብእ ምሕረተ:
ክርስቶስ ብርሃን ዘአሰሰልክ
 ጽልመተ: ላዕለ ኪሩቤል ነቢረክ
 ዘትሬኢ ቀላያተ: ስቡሕኒ ወልዑል
 አንተ::

ሰላም ለገንብርትክ ማእከለ
 ጠባይዕ ዘተመልአክ: በኰሉ
 ቱስሕቱ እንዘ ይትሚሰል ማእከክ:
 መንግሥተ ሰማያት **ክርስቶስ** ከመ
 ዮሐንስ ሰበክ: በሐፍ ወበድካም እለ
 አሥመሩ ኪያክ: ዲናረ ሃይማኖት
 ነሢአሙ የአትዉ ሠርክ::

ሰላም ለሐቋክ እንዘቦ ልዕልና:
 ከመ ገብር ድኩም ዘቀነተ ሐብለ
 ትሕትና: ኅብስተ ሕይወቶሙ
ክርስቶስ ለእለ ይነሥኡ ስመ

ክልኤ አእጋር: እለ አሕመልመሳ
ደርገ አርአያ አዕፁቅ ዓሥር:
ኢየሱስ ክርስቶስ ወልደ እግዚ
አብሔር: በዘባነ ባሕር ከመ
ትትለሃይ ሐመር: መንክር ተላህያ
በዘለክ ፍቅር::

ሰላም ለአፅፋረ እግርክ በደመ
ቅንዋት እለ ተጠምዓ: እስከ
ጽዕዳዌሆን ለብሰ ልብሰተ ጠባይዕ
ካልአ: **ኢየሱስ ክርስቶስ** ዘተሰቀልክ
በአፍአ: ከመ እዜኑ ጊሩተክ
ወእከውን ሰምዐ: መምህረ ረሰይኩክ
ረሰየኒ ረድአ::

ሰላም ለቆምክ ሐመልማለ ቀይሕ
ሥጋ: ክርስቶስ ቀዳሜ ጸጋ: ናሁ
ሰፈነት ወሰፈፈት እንበለ ንትጋ:
ለባሕረ ሣህልክ ዘኢይነጽፍ ፈለጋ:
ውስተ ሕሊናየ አስተጋብእ አይጋ::

ሰላም ለመልክዕክ መልክዐ ክቡር
አምላክ: እለ ይቴሐታ ሎቱ
አርእስተ ሰኩና ወብርክ: ኢየሱስ
ክርስቶስ ሐዋርያነ መልአክ:
ይትመላሕ እምሕሊናየ በተግሣፅክ
ቡሩክ: ኅጠተ ደዌ ዘበቄለ ሦክ::

ሰላም ለፀአተ ነፍሰክ ኅይለ
ሥልጣነ ሞት ዘቀነየ: ጽዋዐ ፓሲካ
ምሉአ ድጎረ ሠለጥክ ሰትየ:
ጥዑመ ከናፍር **ክርስቶስ** እንተ
ትነብር ሰደየ: በሞት ወበሕይወት
አማኅፀንኩ ነፍሰየ: ውስተ እዴክ
ዘገብረ ሰማየ::

ሰላም ለበድነ ሥጋክ እመለኮቱ
ዘኢተፈልጠ: ለሰዓት አሐቲ ከመ
ቅጽበተ ዐይን ኅዳጠ: መዝገበ
ባሕርይ **ክርስቶስ** ዘኢተአምር
ተውላጠ: አኮ ዘሐይቅ ጽጌረዳ

ወዘባሕር ሰግላጠ፡ ባሕቱ ሃይማኖትየ እሁብክ ሤጠ።

ሰላም ለግንዘተ ሥጋክ በአፈው ወከርዜ ሕውስ፡ ወበልብሰ ገርዜን ንድሕ ዘጎበሪሆን ፒሦስ፡ መርዓዌ ሥርግወ አመ ትመጽእ **ክርስቶስ**፡ ዐሥረኒ ለቀበላክ በማጎቶተ ምግባር ውዱስ፡ ከመ ደናግል ጠባባት ዘኑልቆን ኃምስ።

ሰላም ለመቃብሪክ መካነ ምሥጢር ጎልጎታ፡ ቀዳሚ አዳም ዘኢተቀብረ በውስቴታ፡ **ኢየሱስ ክርስቶስ** በረከተ ኤልያስ ዘሰራጽታ፡ ሣህልክ ወምሕረትክ ደመግቡኒ በፆታ፡ ከመ ሐገፋ ወሥሙር ወልታ።

ሰላም ለትንሣኤክ እምድጎረ ዕለታት ክልኤ፡ ዐቀብተ መቃብር

አእላፍ እንበለ ደስምዑ ቀርነ ጽዋዬ፡ ወበእንተዝ ይብሉክ **ክርስቶስ** በኰረ ትንሣኤ፡ ተአመንኩ ወተወከልኩ ቅድመ ገጸ ኰሉጉባኤ፡ ኪያክ አበ ወኪያክ ረዳኤ።

ሰላም ለትንሣኤክ እንተ ተጠየቀ ቦቱ፡ ዜና ትንሣኤሆሙ በክብር ለቅዱሳን ዘሞቱ፡ **ኢየሱስ ክርስቶስ** ለዳዊት ቀርነ መኅግሥቱ፡ በዓለትንሣኤ ፋሲካነ ዝንቱ፡ እስመ ሥርዓቱ ለእስራኤል ውእቱ።

ሰላም ለዕርገትክ ዘኢይትረከብ መጠጉ፡ ወለንብረትክ ሰላም ለአቡክ ውስተ የማኑ፡ ኢየሱስ ክርስቶስ እለ ኪያክ ተአመኑ፡ ቅዱሳነ ዘእምጎቤክ ወንድሐነ ይኩኑ፤ ጸራቅሊጠስሃ መንፈስክ ፈኑ።

ሰላም እብል ለምጽአትክ ከዋላ፡

በደመና ሰማይ ብርሀት እንተ ትፀድል እምሥነ ዕብላ፡ አመ ትመጽእ በሰብሐት ክርስቶስ ርእሰ መሐላ፡ ጸውዐን ለአግብርቲክ ውስተ ዐፀደ ፍግዕ ወተድላ፡ ናንሶሱ ምስሌክ በሐዳስ ቀጸላ።

እምሥራቀ ፀሐይ እስከነ ዐረብ ይትአኩት ስሙ **ለእግዚአብሔር** አምላክነ፡ ኪያክ ወልደ ዘፈነወ ለነ፡ **ኢየሱስ ክርስቶስ** ሊቀ ካህናቲነ፡ አስተጋብአነ ኅበ ትረፍቅ መካነ፡ እስመ ዝርዋን አግብርቲክ ንሕነ።

ሰብሐት ለከ አምላኪያ በኵልቄ ኰሉ ሥዕርትያ፡ **ሰብሐት** ለከ አምላኪያ በኵልቄ ኰሉ አዕፅ ምትያ፡ **ሰብሐት ለከ** አምላኪያ በኵልቄ ኰሉ ዘተርእያ፡ **ሰብሐት** ለከ ንጉሥያ በኵልቄ ኰሉ ዘኢያ

ሰተርአያ፡ ሰብሐተ ሥላሴክ ወትረ ይነግር አፉያ።


እምኰሉ ይጌይስ በሥላሴክ ተአምኖ፡ ወበወላኒተከ ተማኅፅኖ፡ ኢየሱስ ክርስቶስ እምቤተ መንግሥት ወተክህኖ፡ ተሰብአተከ እመቦ ዘያስተሐቅር መኒኖ፡ ያንኩ ርኰር ታሕተ ደይን ግዱፈ ከዊኖ።

ሰላም ሰላም ለኰሎን መልክዕከ፡ አምላለ መልክዑ ለአቡከ፡ ኢየሱስ ክርስቶስ ሕማማተ መስቀል ዘያርከ፡ ኅብአኒ እምገጸ ሞት በእንተ ማርያም እምከ፡ አምላኪያ አምላኪያ ኢይጽኖዕ ልብከ።

አምላክ ምድር ወሰማያት፡ አምላክ ባሕር ወቀላያት፡ ወአምላክ ኰሉ ፍጥረት፡ አምላክሙ አንተ ለአበው ቀደምት፡ አምላክሙ

ለነቢያት: አምላኩም ለሐዋርያት: አምላክ ጻድቃን ወሰማዕት: መሐረን ለነ አምላክነ እስመ ግብረ እዴክ ንሕነ: ወኢትዝክር ተሎ አበሳነ።

አ እግዚአብሔር ኢየሱስ ክርስቶስ ዕቀብኒ ወአድጎነኒ እመከራ ሥጋ ወነፍስ ሊተ ለገብርክ: ሊተ ለአመትክ።



ሰብሐት ለአብ በል (በአድንኖ ርእስ)